



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Brevis Et Vtilis Commentarijs In Priorem Epistolam Pauli
ad Corinthios, & in aliquot capita secundæ**

Melanchthon, Philipp

Vitebergæ, 1561

VD16 M 2618

Conuenientibus uobis in Ecclesia audio Schismata inter uos esse.

urn:nbn:de:hbz:466:1-36296

bus maximis piam meditationem adhibeat.

σωθῆσθαι, οὐδὲ πονηρὸν τὴν ἐκκλησίαν,
καθὼς ὁ σματαράς τὸν πονάντα χειρό.

*Conuenientibus uobis in Ecclesia
audio Schismata inter uos
esse.*

Dicitum est supra, Deum uelle, ut fiant honesti congressus publici, in quibus sonet uox Euangeli, & neruum nostrorum congressum esse coenam Domini, quia uult Deus Ecclesiam conspicere & audiri, ut filius in toto genere humano agnoscatur, & nota sint beneficia, quae proper filium generi humano donantur. Hos igitur publicos congressus hic ordinat Paulus. Et quomodo eos ordinet, & quomodo discesserit ab hac forma Pauli recentior ætas, postea dicemus.

Prius admonendus est lector de hoc dicto: Oportet haereses esse. Nota sit doctrina ex alijs manifestissimis testimonij, Deum non esse causam peccati, nec uel le nec approbare, nec efficere nec adiuuare peccata, Iuxta illud: Deus non uolens

15 impie-

I. EPISTOLA AD

Impietatem tu es. Nec in Deo sunt contradictoriæ uoluntates, quia uerax est. Et Iohann: 8, dicitur: Cum mendacium loquitur, ex proprijs loquitur,

Ex his fundamentis, quæ sunt uerilla & firmissima, sumatur interpretatio dæti: Oportet hæreses esse. Nequaquam enim intelligenda est necessitas aliter, nimirum de necessitate consequentiæ, scilicet, quia cum Diabolus ardens odio filij Dei, non desinat turbare Ecclesiæ, & leuia ingenio facile impellat, non cessant causæ hominibus dissidiorum. Ita sequitur, ut multæ oriuntur hæreses, etiam si Deus uerè furoribus irascitur, & nequaquam necesse est uoluntates humanas eis implicari. Sed p̄ij inuocantes Deum, & ueritatem querentes, possunt eas uitare, sicut hic quoque significat Paulus discrimina uoluntatum esse: Talibus signis inquit discernuntur Synceri à fucatis. Synceri amant ueritatem, & constanter eam retinent. Alij leuis, aut ambitiosi aut auari facile impelluntur, ut noua dogmata amplectantur.

Hac uera admonitione de dicto Pauli hoc loco contenti simus. Nunc uideamus quomodo cœnam Domini ordinet.

Primum

Primum uult esse communem, & prohibet particulares cœnas in uno loco. Fuit igitur una communis cœna, & non unus oblatio. Quare hoc testimonio improbari consuetudinem priuatæ Missæ posternatam, manifestum est.

Postea uult addi concionem. Ideo inquit: Quoties editis panem hunc, et hoc poculum bibitis, mortem Domini annunciate.

Tertio uult omnes adferre pœnitentiam, & prohibet manducationem fieri ab ijs, qui perseuerant in delictis contra conscientiam, Ideo inquit: Qui indignè manducat, reus est corporis & tanquam iniquis Domini. Item, Probet homo seipsum, & sic de pane manducet, & de poculo bibat. Cum enim hec cœna nominetur, & sit ritus noui testamenti, id est, nouæ promissionis obligatae morte filij Dei, & sit testimonium remissionis peccatorum, nec remittantur peccata perseueranti in delictis contra conscientiam, & contemnenti remissionem, manifestum est, contemni hoc testimonium remissionis à talibus.

Itaqz

I. EPISTOLA AD

Itaque sciant bonae mentes, quid sit in dignè manducare, & qualis exploratio requiratur.

Digne manducat, qui mortem filii Dei cogitans, agnoscit iram Dei aduersus nostra peccata, & agit pœnitentiam, & simul agnoscit placatam esse iram Dei, & remitti peccata propter filium, & hanc mandam promissionem Dei esse nouum testamentum, confirmatum morte filii Domini, & hac consolatione erectus, credit se recipi, & placere Deo, & hunc ritum statu testimonium esse huius beneficij diuinum.

Requiritur ergo & haec scrutatio: An sit in nobis malum propositum, an sit pœnitentia, an sit fides, qua remitti nobis peccata nostra statuamus, & an hac consolatione erecti ad Mediatorem accedamus.

Cæterum nota sit doctrina communis, quæ peccata sint in Sanctis in hac vita, quæ non sint. Non sic intelligatur dignitas, quod nulla sint in nobis peccata, sed quod oporteat deponi peccata contra conscientiam.

Quarto pœna consideretur. Manifeste hic dicit Paulus, multos ægrotare, & multos mortuos esse propter abusum coœxi.

noe. Ergo etiam in sanctis punitur negligētia, Multo magis uero punientur præsentibus & aeternis poenitētibus omnes illi, qui cœnam Domini uerterunt in horrendum cultum Idolorum, & qui quæstus causa finixerunt sacrificium, pro uiuis & mortuis. Horum maximorum scelerum magnitudo conspicietur post hanc uitam. Et ibi agnoscemus, haec scelera multarum calamitatium in hac uita causas fuisse. Oramus autem ardentibus gemitibus filium Dei, ut ipse his magnis uulneribus Ecclesiæ medetur.

Nunc uerba consideremus.

In textu est, *Quod pro uobis frangitur.* In narratione apud Lucam scriptum est, quod pro uobis datur, id est, quo est Victima pro genere humano. Ideo & hic alij interpretantur, frangitur pro laceatur. Id non reprehendo. Sed simplicius uidetur, fractionem intelligendam esse distributionem, sicut Ebræi loquebantur: *Frange esurienti panem tuum.* Et hoc uerbum Paulo in mentem uenit propter morem distributionis, præsertim cum uelit esse cœnam communem.

τοτὸ ποτέριον κανεὶς διαθίκη βεβίη.

Hic